

KERATAN AKHBAR

JUDUL : MALAYSIA CRIME PREVENTION FOUNDATION

TARIKH : 12 September 2025

SITASI :

M/S :

Hari Malaysia 2025: PNM semarakkan Rukun Negara, perkasa jati diri bangsa. (2025, September 12).

ohsempu.com. <https://ohsempu.com/index.php/malaysia-semarakkan-rukun-negara-perkasa-bangsa?id=313287>

Hari Malaysia 2025: PNM semarakkan Rukun Negara, perkasa jati diri bangsa

by [Oh! Sempu](#)

9

SHARES

111

VIEWS

Posted on 12 Sep 2025 07:01:08

Perpustakaan Negara Malaysia ([PNM](#)) menganjurkan program *Bicara Malaysiana: Menjunjung Rukun Negara, Memperkukuh Jati Diri Bangsa* di Auditorium PNM, Anjung Bestari, bersempena sambutan Hari Malaysia 2025.

Pensyarah Sosiologi Politik dari Pusat Pengajian Sains Kemasyarakatan, Universiti Sains Malaysia, Profesor Dato' Dr. Sivamurugan a/l Pandian menegaskan Rukun Negara kekal relevan sebagai asas perpaduan dan jati diri, khususnya dalam menghadapi cabaran globalisasi serta kepelbagaian masyarakat.





“Kita adalah Malaysia dan Malaysia adalah kita. Sudah pastilah itu adalah yang pasti kita pertahankan.

“Bagaimana kalau kita sendiri tak menghormati dokumen-dokumen yang ada, kita mengharapkan orang luar (bukan warga Malaysia) untuk faham ke atas dokumen ini.

“Malaysia tidak sempurna tapi yang menyempurnakannya adalah kita sebagai warganegara yang bertanggungjawab ke atas negara ini.

“Apa gunanya kita menjadi warganegara tapi kita tak mahu memahami, tidak mengambil langkah untuk memahami kepentingan Rukun Negara dan Perlembagaan,”katanya.



Artikel lain: [KPN perkenal Kempen Taat Setia Rukun Negara, perkukuh perpaduan nasional](#)

PNM semarakkan Rukun Negara

Sementara itu, NM menyatakan inisiatif menganjurkan program ini bertujuan mendidik masyarakat mengenai kepentingan memahami, menghayati, dan mengamalkan prinsip Rukun Negara, selaras dengan peranan institusi itu dalam pembangunan ilmu dan budaya.

Program ini mendapat sambutan hangat daripada warga PNM, pelajar, dan masyarakat umum.



Turut berlangsung penyampaian hadiah Pertandingan Fotografi Hari Kemerdekaan dan Pertandingan Citrawarna Hari Merdeka, Patriotisme PNM 2025, disempurnakan Ketua Pengarah PNM, Edy Irwan bin Zulkafli.



Penganjuran program ini diharap dapat memperkukuh kefahaman masyarakat terhadap nilai perpaduan, toleransi, dan identiti nasional, selain menghidupkan semangat patriotisme sempena Hari Malaysia.